

# INUIT ATAQATIGIIT

## INATSISARTUNI



UPA 2015/19.1

Ulloq 11 marts 2015

Ane Hansen

Raajanut qaleralinnullu licensit killeqanngitsumik piffisalerluginit pigineqartanerisa Aalisarneq pillugu inatsisartut inatsisaat nr. 18. 31. Oktober 1996-meersoq §14 naapertorlugu, ukiunik tallimanik sioqqutsisumik ilimasaaruteqarnikkut killerneqartalersinnaanerat aningaasaqarnikkullu kinguneqaatissai ilangullugit- Naalakkersuisut UKA 2015-imi saqqummiussassamik misissueeqqullugit Inatsisartut peqquneqarnissaanik aalajangiiffigisassaatut siunnersuut.

(Inatsisartunut ilaasortaq Nikolaj Jeremiassen, Siumut)

Aalisarnermut inatsisit naleqqussarneqarluni nutarterneqarnissa manna ukiorpassuangortuni oqallisigineqarneqarpoq, mannalu tikillugu Naalakkersuisusarsimasut nutarterinissamut tunartassanik assigiingitsumik sulisitsisarput ilaatigut ataatsimersuarnerit isumasioqatigiisitsinerit aqqutigalugit tunartassanik ilusilersuisoqartarluni. Manna tikillugu tunartassanik sulisitsinermi tigussaanerpaatut oqaatigineqarsinnaagunartoq tassaavoq Aalisarneq pillugu isumalioqatigiisitarsuarmik sulisitsisimaneq Februar 2009-mi saqqummiunneqartoq, taanna aalisarneq pillugu soqtigisat siammaseqisut kateriffiatut oqaatigineqarsinnaavoq tigussaanerpaanik inassuteqarami. Aalisarnermut inatsisip nutarterneqarnerani alloriarfingineqarnera siulleq pivoq 2011-mi upernaakkut Inatsisartut ataatsimiinneranni. Siunertaagaluarpoq Aalisarnermik inatsit 2012-p naanginnerani naammassillugu suliarineqarsimassasoq, tamannali suli maannamut pingilaq tupinnarpallaangitsumik suliajmi taanna inarniaraanni naammattumik sapiissuseqartariaqarpoq, inaerneqarnissaannut siunnerfiit aqquaagassallu alloriarfingineqartussat imaannangigaatsiartussaammata.

Alloriaqqinnissarli piffissangorsorinarpooq, nuannaarutigaaralu manna tikillugu tunartat Aalisarneq pillugu ataatsimiisitaliarsuarmi ataatsimorfingineqartut suli qimanneqarsimannngimmata maannalu Naalakkesuisuusumik erseqqissumik aamma siunnerfigineqarlutik.

2011-mi upernaakkut Inatsisartut ataatsimiinneranni Aalisarnermik inatsisip allanguutissai siullit naammassineqarmata nalunarutigineqarpoq Aalisarnermik inatsisip inaarutissai isummerfigineqartussallu ukujumartut:

1. Raajarniarnermi kinguariit nikinnissaannut ajornartorsiuteqarnerup iluarsiivigineqarnisaa.
2. Nunat allamiut piginnittuusinnaanerannut tungasunik ersarissumik isummertoqarsimassasoq.
3. Tulaassisussaatitaaneq isummerfigineqarumartoq.
4. Pisuussutinik atuinermut ernianut tunngasunik aaliangersaasoqarumartoq.

5. Sinerissamut qanittumi aalisarneq avataanilu aalisarnerup immikkoortinnejnarera isummerfigineqarumartoq.
6. Pisassiissutnik pigisat atorunnaarsinnejqarsinnaanerannik piffissatititaasog isummerfigineqarumartoq.

Nuannaarutigarpullu 2011-mili maannamut Aalisarnermut Naalakkersuisut pingasoriarlutik nikinnikuugaluartut tunartat taakkorpiaat suli siunnerfigineqarmata, suleqatigiissutissaqarpugut pingaarutilissuarnik.

Maannalu tupinnangitsumik inatsisartuni ilaasortat akornanni alloriartoqarnissamut utaqqikatattoqarpoq.

Inatsisartunut ilaasortaq Nikolaj Jeremiassen Siumut Aalisarnermi inatsisip inarsarneqarnissaani alloriarfingineqartussani imm. 1 aamma 6-nat pillugu nikigisaaraluni ujartuivoq. Siunnersuummut Naalakkersuisut akissutaat isumaqtiginartissinnaagaluarlutigu nukigisaarineq paasilluarsinnaavarput.

Maannami pissutsit imaapput ukiuni kingullerni arlaqalersuni nunatta imartaani raajaqassuseq malunnaateqarluartumik appariartorpoq tamannalu ingammik sinerissap qanittuani raajarnianut kingunerlukkiartorpoq, piartumillu iliuseqartoqangippat ukioq manna pitsangitsumik sinerissap qanitsuani raajarniatunut kingunerluttussaavoq, taakkuinnarnuungitsoq aammali nunami suliffissuarnut raajanik suliaqartuusunut kingunerluttussaalluni. Ajornartorsiullu taanna siornaakkunnili piartuertoq aappaagumut utaqqissunneqarsinnaajunnarnikuovoq, maannalu iliuseqarfingineqartariaqarpoq.

Sinerissap qanittuani raajarnianut iluaqsiisinnaasunik arlariinnik saqqummiisoqartarpoq ilaatigut Aalisarneq pillugu isumalioqatigiisitarsuup isumaliutigeqqunikuua avataasiortut sinerissallu qanittuani raajartassat ataatsimortinneqalersinnaaneri, oqallisigineqartaporlu tamanna pisinnaasoq sinerissap qanittuani, avataasiorlunilu angallatit qanoq angitigisut aalisartassanerineq aaliangersagaliornikkut tamaanna aqunneqarsinnaasoq isumaliutigeqquneqarluni.

Perarfissatut allatut tikkuarneqartartoq tassavoq KNAPK-p siunnersuutigisartaga tassalu raajartassat avataani sinerissallu qanittuani avinneqartassasut maannatuut 43/57-mik avinneqarsimanaerat qimallugu. Siunnersuutit taakkua tamarmik pisariaqartippat manna aalisarnermi inatsit malillugu pisassanik piginnittunut minnerpaamik ukiuni tallimanik sioqqutisumik allanguisoqarnissaanut tungatillugu kalerrisarneqarnissaat. Siunnersuutillu taakkua tigussaasut arlaat alloriarfingineqassappat aaliangiunneqarlunilu manna aalisarnermut inatsisit atuuttoq malillugu aatsaat ukiut tallimat qaangiunnerani susoqarsinnaavoq.

Siunnerssuuteqartoq isumaqtigarpus oqarmat pitsaangitsuusoq pisassanik pigisaqartut angallataarutereraluarlutik pisassanik inuussutissarsiutigisinnaammatigit ukiumut pisassatik tunisarnerisigut. Isumaqpunga taanna ajornartorsiut iluarsiniarlugu iliuseqarfingineqartariaqartoq

piumasarineqarsinnaavoq angallataarukkaanni pisassat utertinneqartassasut aalisartunngorniartunut inuuusuttunut agguassassangortillugit. Isuma tamanna soqtiginarpooq misissorneqartariaqarlunilu.

Inuit Ataqatigiinni isumaqarpugut pisassanik ukiuni arlariinni pigisaqartarneq pisariaqartoq pisassat angallatitigut atortorissaarutitigullu pitsangorsaasoqassappat qularnaveeqquititut aningaaserivinni atorneqartarmata.

Taamatut oqaaseqarluta aappassaanerneqartinnani siunnersuummut naalakkersuisut akissutaat partiillu oqaaseqaataat ilangullugit Aalisarnermi ataatsimiisitaliami misissorluarneqarnissaat inassutigarput.